

Proyecto Formacion Social

Mas hoben a inverti den nan mes dunando nan mes un siguiente oportunidad den nan bida

ORANJESTAD – "E hoben nan aki a inverti den nan mes dunando nan mes un siguiente oportunidad den nan bida. E transformacion a tuma luga na e momento husto cu pa nan ta hopi importante". Esaki ta expresion di Prome Minister di Aruba, mr. Mike Eman riba e hobennan cu a participa den e proyecto Formacion Social. Prome Minister a bisa cu e proyecto Formacion Social ta wordo haci cu ayudo di gobierno Hulandes cu ta haci posibel cu Marina tambe ta un partner indispensable den henter e proceso aki.

PROYECTO FORMACION SOCIAL.

E proyecto Formacion Social ta siguiendo e rumbo positivo riba e caminda firme cu el a cuminsa for di un principio. Dialuna cu a

pasa cuatro hoben di Formacion Social a ricibi nan certificadonan di APA na unda nan a core nan stage di cuatro luna. Diamars e otro cuatronan cu a core nan stage den Valero a haya nan certificado y nan tambe ta bayendo awor pa e ultimo fase di nan trayecto cu ta un curso den Computerkunde di cuatro luna na Enseñansa pa Empleo.

HOBENNAN CU POTENCIAL
Prome Minister Eman a menciona cu su gobierno a inicia e proyecto aki pasobra cu a wak rond y a mira hobennan cu hopi potencial, pero cu den un momento den nan bida tabata den duda si nan kier a sigui desaroya un ofishi, bay traha of sigui studia y dor di e duda aki a perde oportunidadnan di e mo-



mento.
"Nos tur tabata hoben un tempo y nos tur ta corda cu na cierto momento den bida nos tambe tabatin e pregunta y dudanan aki". E prome mandatario ta bisa cu den casonan asina un maestro di scol, un mama cu atencion special, un bisiña, un pastoor of un lider manera Sr. Hofma, Sr. Buckley, Sr. Werleman y otro dirigentenan por cambia e bida di un hende. "Nos tur



tin un persona asina cu a toca nos den nos bida. Personanan cu a guia nos. Ta p'esey cu e programa aki a wordo desaroya pa yuda e hobennan aki cu tanto talento y potencial cu tin e amor y sosten di nan famia y amistadnan, por haya un oportunidad nobo den bida pa forma e base di un futuro nobo".
Sea e base aki ta e norma y balornan cu Sr. Hofma a referi na nan. Of loke Sr.

Werleman a haci door di hiba nan den cunucu leu pa nan so cu solo y strea reflexiona y pensa riba nan responsabilidadnan. Despues Eman a bay over na entrega cada un di e hobennan un recuerdo cu un inscripcion. Riba e combinacion di foto por mira Prome Minister Eman ta haciendo entrega di e recuerdo na e hobennan cu a participa na e proyecto Formacion Social. □